

故宮博物院
珍寶

陝西府州縣志

共四冊
第一冊



故宮博物院編

海南出版社

故宮珍本叢刊第 079 冊陝西府州縣志第 1 冊(共 4 冊)

故宮博物院編

三水縣志
大荔縣志
山陽縣初志

海南出版社



圖書在版編目(CIP)數據

故宮珍本叢刊.第79冊,地理.都會郡縣.陝西,[乾隆]三水縣志、[乾隆]大荔縣志、[康熙]山陽縣初志/故宮博物院編.-影印本.-海口:海南出版社,2001.4

ISBN 7-80645-968-5

I.故… II.故… III.古籍-善本-故宮博物院-叢刊 IV.Z121.7

中國版本圖書館 CIP 數據核字(2001)第 06545 號

故宮珍本叢刊第 079 冊

陝西府州縣志第 1 冊(共 4 冊)

[乾隆]三水縣志 [乾隆]大荔縣志 [康熙]山陽縣初志

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2001 年 6 月第 1 版 2001 年 6 月第 1 次印刷

開本:787×1092 毫米 1/16 印張:20.5 印數:1-400 冊

ISBN 7-80645-968-5/Z·49

定價:650 元(陝西府州縣志 12 種共 4 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

乾隆乙巳歲鐫

三水縣志

本衙藏板

三水古幽地具風俗物產詳於七月一篇秦漢來如司空倫平章琦范度支祥與閣學有文參議在中政事文章後先輝映皆在國史顧其間沿革損益暨里黨之側身修行不以時蒐輯排纂之其奚以勸學惟

邑侯林公修於萬歷辛巳訖康熙丁巳距今又百餘年

齊公曉航者以壬寅攝篆於茲閱舊志而有感焉俾春生等任採訪自惟末學惛惛不勝是懼癸卯夏未竣事而公有石泉之補而我

心銘葛公至公之下車也心勞撫字凡不便於民者力爲裁省又念積貯所以備荒社倉民命攸關比年耗蠹他日大爲民累公勸諭開導而前之拖避者率輸將恐後焉茲復親履郊垌相土田察汎水之可資灌溉者已約數百餘頃俟

三水縣志

憲批施行吁嗟公勤矣而訟庭清閒載取舊稿校讐之正其謬刪其繁不支蔓不罅漏後之撫斯土者覽斯志也因地制宜勤求民隱則是編其左券也春生等生逢

盛世亦得於築場納稼之餘攜羔羊朋酒以觀公德化之成云

邑

舉人馬敦
貢生蒙春生謹識
廩生馬斯爲
張鐸

三水縣志序

兵部侍郎兼都察院右副御史巡撫陝西等處提督劉公鑑
志之體例出于括地志元和郡縣志太平寰宇記長安志外此宋元人著作地里亦可觀也世稱武功志及朝邑志然朝邑大縣嫌其篇幅太窄武功志以蘇若蘭文爲首卷亦非方志之體縣志之善必求諸唐宋人乎三水縣稍僻羌無故實舊志疏畧尤甚知縣葛君到官以來政平民和百廢具舉因言其地精神耆老好尚文雅念

三水縣志序

聖朝厚澤深仁重熙累洽自一縣官師制度法良意美及孝悌節烈撥科中策之士蒸蒸焉月異而日新不可無紀載以表當時而示來世適有陽湖孫明經所學該博負一時盛望因屬撰成之予覽其文實能考書傳之故事則舊文之猥尤其以藝文分隸各部及刺取書傳必載所出皆宋元人方志之法異乎流俗之爲之也藝文則載其有關政事者餘概從削又獲于予心故爲序而行之志凡十卷十四部縣譜一故城二國城鄉鎮亭堡砦三山屬四水屬五城署關橋坊古址六壇廟寺觀墓七職官八地丁錢糧九兵防十名人十一列女十二科貢十三封贈附圖序十四孫君著述之簡而有法如此恐有議其漏者予爲道其體例云

新修三水縣志序

王阮亭云近世志書能文簡事覈訓詞爾雅無如康對山之武功志其他若呂涇野志高陵等十餘種猶有黃圖決錄之遺焉而時人又謂史志務在簡核方志務在詳核一事不舉將有挂漏之弊其說若兩岐而余謂志猶史也史固隨時而變例志亦

地以制宜若朱子京之修唐書事增於前辭省於舊讀者贊
余謁選初得整屋奉檄供備時調署武功嗣以饒級循例復

奏留歲事軍需代篆永壽尋補沔縣赴

關得蒙

恩允旋於太華道中適奉內諱茲復重來歷署安定高陵及承
乏三水所至之邑往往稽其形勢典章察其民生土俗流覽往
志之文辭究無逾於武功高陵之右者洵乎前賢之論不誣矣
三水古幽也又以汎水得名按說文引爾雅曰西爲汎國謂四
極汎西極之水也邑誠僻壤矣然而公劉邵伯之所安集鄧禹
馮異之所規圖卽產斯土者第五倫第五琦文彥博之流風道
韻猶存也志修于康熙丁巳舉行者邑令瀛海林公達泰編纂
者邑人司李文君仲天頗斐然可觀迄今逾百載矣我

朝重熙累洽已徵此戶可封

皇上教養涵濡北庭以北西蒙以西咸隸版圖澤洋恩溥羣生
靡不得所況近在關輔者乎近奉大中丞畢公檄重修此志凡
城池衙署書院廟宇橋梁之緒葺辦建地糧之減戶口之增驛
站課程之裁解鹽茶法更定職官科目德行莠文之宜續補者
楚邑之紳士考訂而增益之製時之闕如者燦然大備其于考
古似較康呂兩公精核焉蓋遊史傳之法不失簡核之規他日
者得周漢唐宋之人材以仰承

聖天子久道化成之治并明廷開府公升猷承世之休爲茲邑
增輝且藉以是志就正博雅君子也乾隆五十年歲次乙巳正
月上元日山右葛德新書

三水縣志目錄

卷一

縣譜一

故城二

鄉鎮亭堡砦三

卷二

山屬四

水屬五

卷三

城署關橋坊古址六

卷四

壇廟寺觀墓七

卷五

職官八

卷六

地丁錢糧九

卷七

兵防十

卷八

名人十一

卷九

列女十二

卷十

科貢十三

卷十一

圖序十四

三水縣志目錄

三水縣志卷一

葛德新主修

陽湖孫星衍撰

陽湖孫星衍撰

三水縣後魏置二漢曰枸邑屬右扶風疑亦高平爰得二縣地

証見故城草

魏晉以來不著枸邑當卽汾邑後魏置三水縣取漢縣

名屬新平郡西魏置恒州尋廢隋屬北地郡開皇三年郡廢以縣屬幽州唐因之爲繁縣天寶元年改州爲郡屬新平郡宋屬邠州爲上縣金同元至元七年省縣入淳化明成化十三年九月復析淳化置三水屬邠州爲僻簡下縣

國朝因之爲簡縣屬直隸邠州今考史傳所紀具于左又漢有三水縣其治在今甘肅涇州非此也魏收李吉甫樂史俱以爲卽後魏三水者誤今亦具于左而加證焉

三水縣志卷一

班固地理志右扶風縣有枸邑

李善注文選引此云右扶風枸邑與邠同又作構

又安定郡縣有三水屬國都尉治莽曰廣延亭

元和郡縣志三水縣本漢書縣以縣界有羅川谷三泉並流故以爲名

太平寰宇記云云同

星衍校漢三水縣治在今甘肅涇州是唐宋長原縣故元和郡縣志云長原縣本漢三水縣地屬安定郡今安定縣界三水故城是也今三水縣實漢枸邑縣自後魏取漢三水縣名移治于此耳魏收李吉甫樂史卽以爲漢縣非

又按舊志云漢景帝二年循邠侯之封置邠邑又云永光元年改置三水縣不知所出

右漢

司馬彪郡國志右扶風城有枸邑

又安定郡城有三水

魏收地形志三水二漢屬安定

星衍按魏時三水移治實漢枸邑而收所云當以循漢舊名故耳

右後漢

元和郡縣志魏改三水縣爲西川縣亦屬安定

太平寰宇記云云同

星衍按此亦漢三水改名西川與漢枸邑之是今三水者無與以李吉甫樂史載在三水下今亦採焉枸邑縣自魏以來書傳不著晉書地理志新平郡有汾邑疑卽枸改名也

右魏

晉書地理志新平郡有汾邑

魏收地形志三水晉罷

星衍按太平寰宇記云郿邑原上有枸邑故城則卽晉汾邑也

右晉

魏收地形志新平郡領縣有三水云二漢屬安定晉罷後復屬元和郡縣志後魏今縣理西二十八里重置三水縣取漢舊名

屬新平

太平寰宇記後魏初于今縣西二十八里置三水縣復漢舊名

屬新平郡

又大統十四年移縣于今郿州東三里新平故郡白馬堡

星衍按魏收亦以魏三水爲卽漢縣亦誤李吉甫樂史言是

右魏

隋書地理志三水 統縣有三水

右西魏

隋書地理志北地 統縣有三水

元和郡縣志隋開皇三年以縣屬幽州

太平寰宇記隋開皇三年移理于幽州西北十五里城大業元年自故郡城移于今理

又北地郡義寧元年領三水二年以三水屬新平郡

右隋

劉昫唐書地理志郿州領縣有三水隋縣

元和郡縣志郿州管縣有三水緊

新唐書地理志郿州縣有三水緊

元和郡縣志開皇三年以縣屬幽州貞觀因之

太平寰宇記唐武德元年以新平郡爲幽州三水縣屬焉

又元和二年移縣於隴堡下舊城初大歷中吐蕃焚縣城又移堡上人民不便爲幽州郭劍所請復移下之

右唐

太平寰宇記郿州元領縣有三水縣

文獻通考郿州三水後魏縣

宋史地理志郿州縣有三水上

右宋

金史地理志郿州縣有三水

右金

元史地理志淳化云至元七年省三水入本縣

王圻續文獻通考淳化云元至元中併三水入縣

右元

續文獻通考邠州三水本淳化縣地本朝成化四字今本刊十誤作宋淳化

四年析置

明史地理志邠州三水云州東北成化十三年九月析淳化縣

置

明圖經三水裁僻簡下此圖今見影寫本刊本不存

右明

故城二

三水縣自漢以來凡五移治皆見地理書有故城漢栒邑其漢
三水城則在甘肅涇州西南舊志以爲盧芳所居是誤以漢三
水爲在此也邠州志云三水有高平里有原得里高平爰得是
漢縣名屬安定與今里名同疑卽漢二縣故城所在魏收地形

三水縣志卷一

四

志云高平有石門山此山在三水境亦可証知高平當在境內
也但後漢書注云漢高平卽今原州則當在今甘肅固原州界
恐是後魏時移漢縣于此耳爰得縣樂史又載在新平而與三
水接界既有原得里原爰音相近其故城爲在縣境無疑也此
二縣故城者今時地理家俱不及著今具于左

章懷太子賢後漢書注栒邑故城在今幽州三水縣北栒音旬

元和郡縣志三水縣栒邑故城在縣東二十五里卽漢栒邑縣

屬右扶風古邠國也

太平寰宇記今縣東北二十五里邠邑原上有栒邑故城卽漢

理縣

宋敏求引三輔黃圖云邠邑城在縣治東二十五里

星衍按今三水城又在唐宋治西可五里則古栒邑城當在今

縣東三十里

右漢栒邑治

元和郡縣志後魏于今縣理西二十八里重置三水縣

太平寰宇記云云同

星衍按當在今縣西二十三里

右魏治

太平寰宇記三水縣大統十四年移縣于今邠州東三里新平
故鄣白馬堡

星衍按當在今邠州

右大統移治

太平寰宇記三水縣隋開皇三年移理於邠州西北十五里城
右隋治

三水縣志卷一

五

太平寰宇記三水縣大統業元年自故郡城移於今理

元和郡縣志三水縣西南至州六十里

太平寰宇記邠州三水縣東北六十里

明邠州志舊三水城在縣東五里東西八里南北三里遺址門
落臺基俱存

舊縣志三水舊城東西六里南北半之遺址尙存

右大業移治及唐宋治

太平寰宇記元和十二年移縣於隴堡下舊城初大歷初吐蕃
焚縣城又移堡上人民不便爲邠郭劍所請復移下之

舊縣志職田鎮在縣東北三十里唐時以爲縣至憲宗復移舊

治

唐鄭谷春過邠邑詩云百里花封俗化淳名蹤盛跡半猶存

谷評白虎藏巖洞地湧金泉過石門舊縣城頽三水鎮故家
樹老五林邨碑殘墮落夫人冢苔蘚年年長淚痕又云一脈
清流何所之紫沙漱蘚入僧池雲遶野客尋來處石上寒猿
日落時聚沫遠槎殘雪在迸流穿樹墜花隨烟春雨晚閒吟
後不復重遊黃島坻

右元和大歷移治

地理志安定郡縣有高平莽曰鋪壁

地形志新平郡領縣有高平二漢屬安定晉罷後復屬

明邠州志三水有高平里

星衍案漢高平治當在今甘肅固原州故章懷太子賢注後漢
書云卽今原州也今三水有高平里者恐是北魏時移治于此
以地形志云高平有石門山知之

三水縣志卷一

六

右漢高平治

地理志安定郡縣有爰得

地形志新平郡領縣有爰得前漢屬安定後漢晉罷後復屬
太平寰宇記新平縣有爰得城漢書地理志云爰得縣屬安定
郡後漢省卽此城也

明邠州志三水有原得里

星衍按原爰字音同當卽漢及後魏治

右漢爰得治

國城鄉鎮亭堡 皆三

幽國之在柁邑 見班固地理志而許叔重說文反以爲在美陽
則所紀乃太王之遷居也魏王泰又以爲在新平則以接壤而
誤也柁邑之 不知所始應劭以爲周邠國臣瓚據竹書以辨

其非師古稱其善甚是而李吉甫樂史猶承應說之謬何也
劉昭所稱劉邑魏收所稱隋意城等皆當在此縣而無可考
以接壤入他縣界中或是俗失其名俱所不詳今以書傳加証
于左

毛詩國風幽七月章七月流火九月授衣一之日宵發二之日
栗烈無衣無褐何以卒歲二之日于耜四之日舉趾同我婦子
饁彼南畝田峻至喜七月流火九月授衣春日載陽有鳴倉庚
女執懿筐遵彼微行爰求柔桑春日遲遲采繁祁祁女心傷悲
殆及公子同歸七月流火八月崔嵬蠶月條桑取彼斧斯以伐
遠揚猗彼女桑七月鳴鵲八月載績載元載黃我朱孔陽爲公
子裳四月秀葇五月鳴蜩八月其穫十月墾穰一之日于貉取
彼狐狸爲公子裘二之日其同載績武功言私其縱獻豝于公

三水縣志卷一

七

五月斯螽動股六月莎鷄振羽七月在野八月在宇九月在戶
十月蟋蟀入我牀下穹窒熏鼠塞向墮戶嗟我婦子曰爲改歲
入此室處六月食鬱及薁七月亨葵及菽八月剥棗十月穫稻
爲此春酒以介眉壽七月食瓜八月斷壺九月菽萁采荼薪樗
食我農夫九月築場圃十月納禾稼黍稷重穰禾麻藿麥嗟我
農夫我稼既同上入軌宮功畫爾于茅宵爾索綯亟其乘屋其
始播百穀二之日鑿冰沖沖三之日納于凌陰四之日其蚤獻
羔祭韭九月肅霜十月淶場朋酒斯饗曰殺羔羊躋彼公堂稱
彼兕觥萬壽無疆鄭元禮諸曲者后稷之曾孫也公劉者自邠
劉以夏后太康時失其官守實於此地名今屬右扶風郿邑公
民成歸之而國成焉其封域在再貢雍州岐山之北原隰之
野至商之末世太王又遷或狄之難而入處於岐陽民又歸之
公劉之出太王之入雖有其難而難之故者能守后稷之
教不失其德成王之時周公遷流言之難出故者能守后稷之
教太王居幽之職憂念民事至苦之功以此序已志後成王迎

之反之陽政致太平其出入也一德不同純似於公劉太公之
所為太師大述其志王意於幽公之事故別其詩以爲幽國愛

毛詩大雅公劉章篇公劉匪居匪康廼場廼疆廼積廼倉廼裹
饌糧于臺于囊思輯用光弓矢斯張干戈戚揚爰方啟行篤公
劉于胥斯原既庶既繁既順廼宣而無承嘆陟則在嘯復降在
原何以丹之維玉及瑤輶韓容刀篤公劉逝彼百泉瞻彼溥原
廼陟南岡乃覲于京京師之野于時處處于時廬旅于時言言
于時語語篤公劉于京斯依踰踰濟濟俾筵俾几既登乃俶乃
造其曹執豕于牢酌之用匏食之飲之君之宗之篤公劉既溥
既長既景乃岡相其陰陽觀其流泉其軍三單度其隰原徹田
爲糧度其夕陽幽居允荒篤公劉于幽斯館涉渭爲亂取厲取
鍛止基廼理爰衆爰有夾其皇淵廼其過淵止旅乃密芮鞠之

三水縣志卷一

八

印

孟子昔者太王居邠狄人侵之事之以皮幣不得免焉事之以
犬馬不得免焉事之以珠玉不得免焉乃屬其耆老而告之曰
狄人之所欲者吾土地也吾聞之也君子不以其所以養人者
害人二三子何患乎無君我將去之去邠踰梁山邑于岐山之
下居焉邠人曰仁人也不可失也從之者如歸市

孔叢子子思曰狄人攻太王太王召耆老而問焉曰狄人何來
耆老曰欲得菽粟財貨太王曰與之與之至無而狄人不止太
王又問耆老曰狄人何欲耆老曰欲得土地太王曰與之耆老
曰君不爲社稷乎太王曰社稷所以爲民也不可以所爲民者
爲民也耆老曰君縱不爲社稷不爲宗廟乎太王曰宗廟者私
也不可以吾私害民遂杖策而去過梁山止乎岐下幽民之東

束修奔而從之者三千乘一止而成三千乘之邑

史記周本紀公劉卒子慶節立國於幽索隱曰幽卽邠也古今

志云幽州新平縣卽漢漆縣慶節卒子皇僕立皇僕卒子差弗

立差弗卒子毀隄立音肅世本作擒○索隱隄卒子公非立

曰世本云公非字辟方皇公非卒子高圉立宗忠曰高圉能率社

高圉卒子亞圉立系本云亞圉字○索隱曰漢書古今

表曰雲都亞圉弟按如此說則亞圉卒子公叔祖類立曰世

方侯仲亦皆二人之名實未能詳亞圉卒子公叔祖類立曰世

本云太公祖類諸三代之名實未能詳亞圉卒子公叔祖類立曰世

甫諡云公祖一名組諸諸字叔類號曰太公也公叔祖類卒

子古公亶父立古公亶父復修后稷公劉之業積仁行義國人

皆戴之薰育戎狄攻之欲得財物予之已復攻欲得地與民

皆怒欲戰古公曰有民立君將以利之今戎狄所爲攻戰以吾

地與民民之在我與其在彼何異欲以我故戰殺人父子而君

之子不忍爲乃與私屬遂去幽渡漆沮徐廣曰水在杜陽岐山

杜陽縣在扶風踰梁山止於岐下正義曰杜陽縣志云梁山在雍

州岐山在扶風美陽國志云岐山在扶風美陽幽人舉國扶老攜弱盡復歸古公於岐下

西北其南有周原幽人舉國扶老攜弱盡復歸古公於岐下

班彪北征賦息邠邠之舊鄉慕公劉之遺德

地理志梅邑有幽鄉詩幽國公劉所都

括地志幽州新平縣卽漢漆縣詩幽國公劉所邑之地也

元和郡縣志三水縣古幽城在縣西三十里公劉始都之處

太平寰宇記三水縣古邠城在縣西南三十里有古邠城在屬

川水西蓋古公劉之邑卽此城也國都城記邠國者后稷之曾

孫曰公劉始都焉邠國名也與故梅邑城相去約五十餘里漢

志注云邠鄉是也

縣舊志古公鄉在縣南三十里上連土橋南即公劉墓

星衍按許君說文云周太王國在右扶風美陽從邑分聲

美陽亭即國也民俗以夜市有幽山漢美陽今武功縣蓋許君

所言太王止岐下之魯國也班固所言公劉始都之豳國也又

說文云豳亭民管夜市亦在美陽劉昭注郡國志所引新論則

云邠在漆縣其民有會日以相與夜中市如不為則有灾咎則

幽亭夜市又在邠州豈太王遷國其俗亦遷故邪

又按魏王泰言豳國在新平縣李吉甫言在三水亦俱不同

右豳國

地理志梅邑應邵曰左氏傳曰畢原鄆郇文之昭也郇侯賈伯

伐晉是也臣瓚曰汲郡古文晉武公滅荀以賜大夫原氏顯是

為荀叔又云文公城荀然則荀當在晉之域內不得在扶風界

也今河東有荀城古荀國師古曰瓚說是也此梅讀與荀同自

別邑耳非伐晉者

元和郡縣志三水縣梅邑故城在縣東二十里古郇國也左傳

云畢原鄆郇文之昭也

太平寰宇記三水縣郇邑故城在縣東二十五里即漢梅邑屬

右扶風有郇鄉應劭注云左氏傳畢原鄆郇文之昭也荀侯賈

伯伐晉是也漢為縣

史記高祖功臣侯表國名有郇侯功云以燕將軍漢王四年從

曹咎軍為燕相告燕王荼反侯以燕相國定盧奴千九百戶

祖八年十月丙辰頃侯溫疥元年

漢書表作擣按此是擣字之誤

史記蒙恬匈奴屬右扶風音荀故周文王封其子之邑

星衍按說文郇周武王所封國在豳地又豳注春秋左氏
國退軍于郇云解縣西北有郇鄉豳國實不在此
此李吉甫司馬貞皆承應劭之誤若漢侯侯國實在此

右郇國

劉昭注郡國志梅邑又有劉邑

星衍按此未詳所在

右劉邑

括地志三水縣西十里有豳原豳城在原上見玉海詩地理攷

右豳城

地形志三水有隨意城

星衍按此未詳

右隨意城

地形志爰得有邑城東魏城

星衍按爰得即今原得里則二城或在境內

右邑城東魏城

縣舊志八王城在唐川中流間漢秦姚沮等城存

右八王城

鄉鎮亭堡砦三

地理志右扶風梅邑有豳鄉

太平寰宇記三水縣舊十三鄉今十二鄉

明邠州志三水縣有三水里蒲鄉里北宮里南宮里職田里大

義里隄鄉里金泉里爰得里豐泉里義豐里高平里有南頭鄉

西頭鄉黃祿鄉百子鄉彭城鄉係原得里地方有趙莊百塢頭

係北宮里地方有店頭鄉高平鄉係高平里地方有魏落鄉郭

邨保安邨係南宮里地方

右鄉

金史地理志三水鎮一清泉

明邨州志三水縣有土橋鎮張空鎮職田鎮大羽鎮廟鎮

縣舊志職田鎮在縣東北三十里唐時以爲縣署遷宗復移舊

治今城三里相傳爲尉遲敬德務農處廟址存焉張洪鎮在縣

西三十里城週二里三分土橋鎮在縣西南四十里當古公原

之衝底廟鎮在縣北五十里城週二里二分太羽鎮在縣北二

十里城週二里三分舊無鎮今無集市

右鎮

縣舊志幽亭在縣東北五十里

又廣延亭新莽更三水縣爲此

三水縣志卷一

主

星衍按廣延亭是漢三水改名其地在今甘肅涇州舊志誤載

于此幽亭亦不著書傳

右幽亭廣延亭之誤

明邨州志三水縣有雙槐堡在縣西五十步四壁懸崖上二層

共有平地二頃餘昔張思道李思齊據此門蓋尚有防秋修築

避患極爲要地

縣舊志雙槐堡在縣西五十步四壁懸崖碧流東繞下有古槐

一根二幹故名上有平地二頃官舍民屋卜居焉前高知縣創

始今林知縣重修又云明季辛巳流寇猖獗知縣高知愈謀申

請築城豎橋分立縣治倉庫於其上

國朝順治七年知縣王儒復申請葺脩歷年倉貯因之康熙乙

卯丙辰間知縣林同堡聚修城垣橋道衙宇倉房題其堂曰井

勸縣人文倬天手題其亭曰菱柳憑高阻深與縣城相倚角謂
度守禦誠一邑保障也

林逢泰菱柳亭詩序甲寅乙卯間遭亂余城守戒嚴有云西

堡爲昔避患處官署倉庫在焉蓋圖諸余艱然非之繼之

猖獗及於難人皆咎余守經而不知權余無以解乃嘆昔人

初造良有深意且憑高臨險爲城保障因捐資鳩工仍舊

而鼎新之乙卯秋築石橋曰縣橋蓋周之初生始於國所謂

縣縣瓜瓞者丙辰夏葺其堂曰井勸按井爲幽分野而易云

君子以勞民勸相竊有志焉復顏之曰鴻賓鶴和蓋一時未

能高飛遠舉不得不冥冥以避弋簪而君子居其室出其言

善則千里之外應之出身如民乃鶴和之義以自警也堂後

築一亭取材於一柳而成文俶明先生手題曰菱柳昔陶令

三水縣志卷一

主

門前種柳余今以柳爲亭斯亦倣陶之意而俶明乃欲以柳

倣棠固幽人忠厚遺風余益惡然矣

舊志隴川堡在平川之後四面壁立溪澗環之墮大業間於

立縣堡北臨河傳爲四仙驛遺跡存焉

右堡

縣舊志兩女砦去縣七十里地勢高聳南望平行麓有兩冢存

焉舊傳秦扶蘇二女卜葬於此

右砦

三水縣志卷一終

三水縣志卷二

知縣葛德新主修

陽湖孫星衍撰

山屬四

三水縣山名最古者周書度邑解云王乃升汾之阜以望商邑今不知其何阜石門山見史記括地志並云見于堯時今其半入淳化又太平寰宇記于縣載子午山馬嶺山女郎山今子午山馬嶺山半入甘肅真寧女郎山按元和郡縣志云洛原縣白於山一名女郎山在今甘肅安化縣界亦與縣境不甚遠而舊志空疏皆未及載今依採焉其餘諸山經傳不著直見舊志方俗稱名而已

史記秦本紀獻公二十一年與晉戰于石門正義括地志云石門山俗名石門在雍州三原縣西北上有路若門故老云

山爲門因名之

地形志高平有石門山

元和郡縣志三水縣石門山在縣東五十里峯巖相對望之似

門

太平寰宇記三水縣石門山王褒雲陽宮記東北有石門尚稱

糾紛千霄秀出有石巖容數百人甘泉賦云封巒石闕施靡序

延屬

新唐書地理志三水有石門山

金史地理志三水有石門山

明州志石門山在縣東六十里俗傳秦太子扶蘇賜死處碑

刻墮落不可考

縣舊志石門山亦名堯門堯鑿之以洩洪水至漢更名石門山

在縣東南爲幽國之鎮高峻插天對峙如門以漢武於此立關爲名

星衍按石門之名在秦獻公時見史記秦本紀則括地志云俗名非

明劉紳石門卽事詩云峻嶒石壁千山遶豁達雙門一逕開更有藤蘿澆日月豈無龍虎出蒿萊空中樓閣供奇玩眼底風雲起俊才聞說扶蘇遺廟在年年烟雨爲誰哀

石石門山

初學記水經注曰白水源出汾水嶺西

太平寰宇記三水縣翟道山一名子午山

按三水北與微寧接界子午山在微寧故云

縣舊志分水嶺當縣之東北九十里其嶺上接子午北入大漠東爲延州西爲慶州

三水縣志卷二

二

星衍案初學記所載汾水嶺在鄜州三水正與鄜州接壤知汾水嶺卽縣志所云分水嶺

右子午山一名汾水嶺

太平寰宇記三水縣馬嶺山俗名箭括嶺抵慶州界有馬嶺水

出焉

通志在縣西北六十里

右馬嶺山

元和郡縣志白於山一名女郎山

太平寰宇記三水縣華池女郎山並在郡邑

右女郎山

賈志中嶺在縣東堡嶺之石高下有穴數十客百人俗傳漢盧芳所鑿今名官家洞

按盧芳所據三水在甘肅涇州非此三水

明邠州志官家石洞在縣東北三十里宋金人避兵于此其
高三百尺上有石室三百餘內有石門石坑石窗至正九年
有碑下有觀音湫

縣舊志亦名飛雲洞即古公陶復陶穴者

元官家石洞碑名失居士蕭元義在御史見居斯窟顯清縣尹

睢恭娘子張氏達魯花赤禿堅帖木兒夫人周氏趙氏亦居

此處四方常安黎庶普避世事二年廣務農桑皆至正十九

年六月初六日後二十二年壬寅十一月黃鍾吉旦立石斯

寨也綠水崎嶇山名石秀前衝石門山後負兩女寨左有堡

嶺寺右有鷄阜山上一舍之餘山勢似龍虎爭鬪之形澗

溪如龍蛇盤曲之體先賢造作之遺跡也至正十一年辛卯

偶值東夷兵革漸至陝境官僚醫卜士庶賢愚皆願此洞潛

遁至癸卯隱居一十三年矣太平之年何日而獲放爲是題

云

云

明文運熙飛雲洞開路記邑之東二十里有洞名官家古矣

河環一帶之流山峙萬丈之巖石竇鑿其中高高下下參差

於巖岫間者縣巨百里志云避兵而作也縣尹御史蕭居焉

棧道連雲石梯落霞網戶萬啟星牕千開真幽之第一勝槩

也素歲久路湮不可階升故景雖奇而未嘗著聞者遊觀稀

也邑之民李福趙介欲闢其路令僧眞普請命於邑侯秦可

之作簿丐緣官捐其俸民輸其材鳩工數十以董之石以爲

階就基也木以爲檻防仆也邑之崇神者繪諸像於各洞中

以壯觀焉肇役於萬歷己卯五日落成於庚辰陽之杪上吉

日余以歲杳閑暇爰約金蘭徐步以遊則地不殊舊景益增

新臥被大虛之雲起鏡重岡之月風雨驟來空谷播絲竹之
韻露霜偶凝庭宇砌瓊瑤之階八萬三千之戶不殊金樞七
十四回之遊有同峻院日車駛於穴中雲衣生於石上易其
名曰飛雲允於洞爲不誣遂之探勝尋幽者見桃花夾岸知
有問津之人望麻飯常流不負遊山之夢覽斯記也不與歸
盤谷之文遊赤壁之賦有同志者哉

右中嶺官家洞

明邠州志肖塔山在縣東四里又云審谷義谷麻谷俱在縣東

三里肖塔田山之下

縣舊志形似七級浮屠亦石闕之支

右肖塔山

明邠州志雞阜山在縣東北二里

縣舊志雞阜山舊縣城址在其前侯君集家當其麓

右雞阜山

明邠州志黑石巖在縣東五十里

縣舊志巖色黝黑壁立萬仞林木陰翳

通志佛面坡即黑石巖見名山記

右黑石巖

明邠州志蒲谷在縣東二十五里

右蒲谷

明邠州志甘谷在縣南十里舖

縣舊志爲赴省孔道水噴高低衝柳參差南上五里長阪通古

公原

右甘谷

明邠州志柳谷在縣南三十里

右柳谷

明邠州志後谷在縣北十里

右後谷

縣舊志堡嶺在縣東三十里卽漢之左谷後秦魏武王姚襄立寨三百六十堡嶺其一也上有元人所建蘭若旁支俗名龍甫孝子文少蒼易名龍山種柏千株翠色欲滴

右堡嶺

縣舊志石背山亦名馬關在縣東十五里三面壁立如削一徑宛蝕水經其下灣環曲抱

右石背山

賈志幽山一名翠屏山一名挂榜山在縣治南大雅所謂南岡

三水縣志卷二

五

縣舊志峯有孫真人行祠元夕並二月二日隨山布鐙若列星焉

右翠屏山

縣舊志焦家山在挂榜山南五里

右焦家山

縣舊志戴家山自石門北折入林木陰翳不復平壤

右戴家山

縣舊志蘭林山至縣六十里日出銜照丹霞掩映

右蘭林山

通志兩女砦在縣東北七十里其麓有兩家俗傳爲秦扶蘇二女葬處

右兩女砦

縣舊志白虎谷在縣西北十五里卽唐鄭谷詩所謂谷評白虎藏岩洞是

右白虎谷

縣舊志神林山在縣東七十里因有茂公祠得名

右神林山

縣舊志鳳皇山在縣西北隅岡若鳳形舊有阿徒堡廢址存

右鳳凰山

縣舊志蟠龍山去縣三十五里

右蟠龍山

縣舊志劉家山在縣東四十里舊有炭窰康熙四十年久雨崩陷民失其利

右劉家山

三水縣志卷二

六

縣舊志捫天嶺在石門南曰攢天嶺文翔鳳改名

右捫天嶺

縣舊志觀音巖在趙洞左上則藤蘿垂陰下有紆曲遇驥乾所輒應

右觀音巖

縣舊志桑邨洞在官家洞左或爲元西臺御史桑哥失里所穿門依碧流攬勝所集

右桑邨洞

縣舊志趙家洞亦名琅天洞去縣二十五里光祿文翔鳳生于洞陽松下其巖深長寬平可眺遠內有石室

右趙家洞

縣舊志流石洞右谷中環繞如城谷口對峙如門遠眺平田水

有枕流之想

右

縣舊志白石洞在縣東七里文倬天種桃百株其麓改曰桃源洞春月紺紅如錦

右白石洞

水屬五

縣水見于書傳者有泚水最古周書王乃升泚之阜以望商邑泚字說文作泚泚泚聲相近也縣有分水嶺泚水經注云水經注有白水源出泚水嶺西知泚水嶺乃泚水嶺以水名俗呼之分水耳樂史引水經以大陵水爲卽詩皇華今水經無此文未知何据羅川水見元和郡縣志而舊志云又名勅修川爲後秦姚襄得名亦不知何出其餘諸小水皆是俗稱今考縣大小有

三水縣志卷二

七

二曰泚水源出廊川宜君縣界石門山西南流入縣界連家河水出縣東馬欄山西北注之泚水又西南東澗河水白城東門外東南注之泚水又西逕縣治南稍泉北入焉泚水又屈南西溪河水自城西南流注之次南溫涼河水出縣西寶峯谷南流注之泚水又西南蒼耳溝水西南注之泚水又西南至邠州界南入于涇曰羅川水出縣北分水嶺西南流大陵水自甘肅徵寧縣來西南注之羅川水又西南至邠州東北界南入于涇小水三曰梁渠川出縣北二十里西南流至邠州入于涇曰七里川出縣南六十里西南流至淳化縣入于涇曰清水出縣東石門山東南入西安府耀州界至涇陽縣北入于冶谷水舊志曰萬壽湫見新唐書觀音湫見舊志泉曰一泉金泉白馬泉稍泉松林泉今著于左

爾雅西至於邠國謂之四極

許君說文泚西極之水也从水八聲爾雅西至于泚國謂之四極

極

明邠州志三水縣三水河在縣南發源宜君縣競窩山西流四

十里入于涇

西安府舊志泚川水源出石門山流合玉泉白馬泉稍泉故三

水以名縣

縣舊志泚川在縣城抱南園亦名師水灌漑川田民獲其利過

縣四十里入涇

右泚水一名三水河

金史地理志新平有潘水

星衍案泚潘聲相近疑一水

三水縣志卷二

八

右潘水

太平寰宇記三水縣有古邠城在麗川水西

星衍案泚麗聲亦相近疑亦一水

右麗川水

太平寰宇記安定縣洛水按水經云一名馬嶺川酈元水經注

云洛水又南經栒邑入涇

又三水有馬嶺山馬嶺水出焉

又珊瑚谷水水經云珊瑚水東南至栒邑入洛

星衍案此水今經長武縣入涇不經三水以樂史云經栒邑城

故載之

右馬嶺川一名洛水及珊瑚水

通志三水縣蒼耳溝水在縣南十五里西南流入泚水